

四川大學古籍整理研究所編

儒藏

史部

第九十一冊

四川大學出版社

四川大學古籍整理研究所 編

儒藏·史部

儒林年譜

第四十一冊

四川大學出版社 二〇〇七年

國家「211工程」重點學科建設項目

國家「985工程」創新基地規劃項目

中國孔子基金會重大項目



目錄

病榻夢痕錄錄餘	清·汪輝祖口授 汪繼培 汪繼壕 記錄 汪繼坊 整理	一
韓理堂先生年譜	丁錫田編撰	一九三
姚惜抱先生年譜	清·鄭福照編撰	二二九
翁氏家事略記	清·翁方綱編撰 英和校訂	三一
段玉裁先生年譜	劉盼遂編撰	三八五
章實齋先生年譜	趙譽船編撰	四九九
章實齋先生年譜	胡適編撰 姚名達訂補	五二三
崔述年譜	胡適編撰 趙貞信續編	六五九
邵二雲先生年譜	黃雲眉編撰	七八三

夢痕錄餘

丙辰病榻命兒輩詮次夢痕錄訖夏月輒授梓人。縣息三年幸能握管縈迴近事手自劄記始於七月繼前錄也。前專敘事此多記言。親知答問有關世務足與藥言臆說庸訓相參者具存之。冬爲歲餘余齒冬矣歲杪付兒晉鈔開春上版。嗣是以往餘年知幾大夢之覺遲疾聽天。隨錄隨刊其痕斯在故不繫病榻而謂之夢痕錄餘云。戊午長至前三日歸廬主人識。

七月吉公陞兩廣總督專使聘延辭以疾。又屬縣尊方



公到家諂致實不能應聞公甚爲悵惜余自罷官後累奉楚晉憲府相招浙中故人亦由舊誼皆婉辭固謝或疑厚殖自豪或讓孤介絕物迨見資用竭蹶則羣笑爲迂嗟乎知我者其惟惺園師乎

前見

錄癸丑手書

蓋幕客與主人禮相抗故言可行既忝爲

牧令大吏縱恭敬下士終宜自循素分小謙抑卽難堅行吾志此理之不可者一也幕曰硯田寒士資以治生業爲之數十年長分官俸幸登仕版不能保有常祿而復與寒賤爭升斗之糈此義之不安者二也且鄙性硜硜曩佐州縣受擠排忍笑侮



賴主人敬信、得行我法。今幕於憲府者、居養漸移、
氣體烜赫、既北轍南轅之各異、必圓錐方鑿之相
違、此勢之不協者三也。至故人幕中、尙多舊友、更
恐今昔殊致、轉被揶揄。杼柚余懷、不敢告人、而今
而後、人其忘我矣乎。八月、得良醫張上舍樹堂、應
椿專主補氣、每劑黃耆四兩、上黨、薄二兩、附子八
錢、他稱是重。遂一斤五六兩、見者訝其膽、然服之
兩月餘、食飲日加、右手漸能執筆。初、醫者狃於治
風先治血之說、重用地黃、痰溼日增、微樹堂病幾
積重。樹堂於醫家言無不究心、切脈定方、各有依

據而以意參贊之所治多效。其言中風中字當作平聲讀。中虛則氣虧血熱風自内生與外感不同。惟猝中之中讀作去聲其風由外人法不可治論最精確。先是謨美堂成樓上祔室奉先世神版

而木主尙祔大義小宗祠春秋二祭余詣祠襄禮。既病不能赴鄉日夕耿耿念宗嫡在城禮須守祔。諏吉十一月命坊培據恭迎曾祖考曾祖妣

祖考 祖妣 先考 先妣 繼妣 生妣 洎

前室主奉安祔室堂門補懸雙節扁額。先祖考年五十時繪存小像神容逼肖敬謹裝潢奉懸堂



中與兒輩縷述遺訓、永誌感慕。戚山陰諸氏嫡庶各有子、嫡長庶幼、父治命妾當祔葬。越廿年、父歿、嫡子治葬事、以庶由婢升、有難色。庶子告於房族、嫡子勉遵父命、然築壙以父母分昭穆、而祔庶壙於穆右、退後五尺、勢將構訟。庶子知余葬生母與嫡母、並邀其兄來質。余應之曰、余生母之葬、禮由義起。蓋先嫡母無腹出兄弟、寒家四世單傳。余承宗祀、以子葬母、無應殺之義。若嫡子主葬祭、則庶宜少屈。喪服小記、易牲而祔於女君、義疏云、女君指嫡妻、言妾牲當下女君一等。今祔於女君、故易

女君牲。言牲則壙可例推。功令妾無子女謂之父妾。有子女者嫡子稱庶母。制服暮年何可以婢升薄之。權以管見。壙制應父居中。嫡居昭。庶營於穆。比嫡退讓一尺。似合易牲之義。情理俱順。憶往歲壬午館平湖。有嫡子陸騰與庶子陸煌造壙互訐。略與此同。騰營壙時欺煌幼。壙退四尺。又故隘。比啟視。煌已成立。遂訟。余議斷改造。騰累控。府司錄案詳銷。復控。撫軍熊公學鵬提卷覈批。飭遵縣斷。謂余不信。可至平湖錄案也。案起於壬午九月。定於甲申五月。方互訐時。騰受產本多。兼有私蓄。訟



師簧鼓志在必勝。迨丙申余再館平湖，煌可自給。騰糞已久。天道響應，如之何勿懼。兄若弟唯唯去。
越二年，友人謂若兄弟間言悔悟，如余言安壙式好無尤。十二月，徐古梅寄到惺園師小春望日書，書云：孟冬中澣，徐年兄至，接手書，極荷遠注。比惟年兄起居勝常爲慰。來書謂：當今吏治莫要於培養元氣，表率得人，則治道日上。真見到之言。愚濫廁樞庭，毫無建白，清夜捫心，汗流浹背。今舉以相勛，益覺慚惶之至。徐年兄云：吉撫軍欲保題年兄孝廉方正，信名實相副，而年兄謙讓未遑，再三辭謝，亦足爲奔競者作中流砥。

柱矣。令嗣少年英發、暫時鍛羽、不足介意。愚謂就幕非不可爲之事、況年兄老成練達、實心經理、歷有年所。令嗣稟承有素、自必高出時輩。來札云、近日幕道日非、恐不能造就人才、而反易荒故業。轉瞬計偕、就近課徒、可以敦學相長、計慮更長。愚嘗謂兒輩安分讀書、此是腳踏實地工夫、自棄與希冀者、蓋兩失之。古人格言具在、不可不深長思也。愚老病日增、時形衰朽。左腿舊有溼疾、夏間扈從灤陽、酸痛更甚、乞假四月、猶未漸痊。而閒居私寓、實抱不安、因於前月將

內廷及軍機處差使懇

恩寬假暫免行走請專于內閣禮部兩處黽勉供職蒙
聖恩並免管理禮部祇在內閣專閱章疏以資調養。

高厚鴻慈實非夢想所及。敝寓均叨庇平善可紓錦
念。草此覆候不一。是年番銀一圓直制錢一千二
百數十文。後至三百餘文。北海塘外充公沙地木
棉花歉收佃戶欠租不足滿滿洲營贍養孤寡之
額。將軍劾奏奉

命侍郎到縣確查藩司汪公

志伊

縣尊方公

于泗

被

議鑄級。充公沙地者錢清場所轄濱海沙塗。先經



儒藏

陞科。坍而復漲者曰原業。本無業戶。漲而報陞者曰新陞。經界不清。強侵弱控。自乾隆四十四年後。爭計紛仍。五十六七兩年。木棉極盛。覲爲利藪。構訟日劇。屢斷屢翻。每至七八月。械鬪傷人。吉公患之。五十九年。分委道府釐清塵牘。通計新漲地十餘萬畝。奏請輸官。許民承佃。畝徵租錢三百文。以贍滿營孤寡。佃戶赴場納課。赴縣輸租。然沙地既坍。漲靡常。木棉復衰。旺不一。奏案甫定。會收成歉薄。佃戶逃徙。次年卽徵租棘手。累及當事。安得歲歲普豐。官民並泰耶。聞邵學士二雲。

晉涵卒



於官。余自友二雲始得知天下士。羅臺山、魯絜非其最也。二雲每握手，必以道義相勸，常戒余伉直太過，恐處事易迂。書來亦然。余敬佩不忘。少余十二歲。丙午送余彰義門外，余曰：此行幸邀

封典，卽作歸計，未必再入此門。脫不幸，銘幽之文，責在吾子。泣然分手。方余告病，獲譽同官吳敬齋

繩祖

在都，二三故人爲余惋惜。二雲曰：諸君勿爾。龍莊當泰然也。因誦余畱別詩，最好官箴雙節錄，無多宦味五年心句，歎爲素志不欺。敬齋還楚述知余乾笑頷之。然

繼坊

言，惺園師亦嘉余有定志。紀曉

嵐先生知余被劾逢人歎惜同里來明府虹橋珩

成進士歸言先生於眾中屢屢齒及迂拙之素信

於師友若此滋之媿矣虹橋以知縣即用問治術

出臆說贈之聞善飲勸先止酒讀律例究洗冤錄

以植治本去臘嬰風疾相愛者憂期月復發秋中

婦病殆而復安今得團聚迎年實出意外除夕作

書事四律躔躔枝梧到歲除緒風吹鬢怯攻虛昨

光陰蛇赴壑病來精力蠅雷蕩嫗難消受康甯福

待寬安心燕雪蛆相憐同病笑山妻蛩駝因緣

其繫提談虎比來常色變對鴻猶幸得眉齊舊方

藥慣從醫試凡鳥書慙任客題便許開春身更健

嶽游應是屐難攜身世茫茫百感摧更無吟興

賦庭梅號寒愛遇三冬日占瑞驚聞十月雷却聞



儒藏

病榻夢痕錄 錄餘

事爭看桃符循例換、獨支筇杖祭詩來。微聞米價
江東賤、好語尊前笑口開。衰齡聊爾祝長延、食
靈虛聞可得仙。絲牘一絢禁幾絡、甲餘七札可能
穿。難償舊債兼新債、敢信來年勝去年。解悟淵明
歸化信、早疎
機巧樂吾天。

二年丁巳六十八歲元旦口占。

衰倦從容晏起時、褰帷

風來吉、賀歲何嫌日上遲。六十七年慙素食、百千
萬國望
彤墀。陽和共飲承平福、誰賦王褒樂

職。二月漸可校書、取廿四史同姓名錄、彙本重加

覈訂、再錄再校、脫漏終不能免。補遺之功、不得不

俟諸兒輩。五月粗能作字、取穀塋代繕書目序及

孫甥

繼英

代繕城鄉祭規各序、皆一手書、以信

子孫。前一年、繼培

歲試前列、至是食餼、繪三代合